

Danmarkimi efterskolimiinnermut tapiissuteqartarneq pillugu Namminersornerullutik Oqartussat nalunaarutaat

Meeqqat atuarfiat pillugu inatsisartut peqqussutaanni nr. 1-imi, 6. juni 1997-imeersumi § 11, imm. 2, tak. Atuarfik pillugu inatsisartut peqqussutaanni nr. 8-mi, 21. maj 2002-meersumi § 49, imm. 4, naapertorlugu aalajangersarneqarput:

Tapiissutisinissamut piumasaqaatit

§ 1. Danmarkimi efterskolimiinnermut tapiissutit Oqaatsinik Pikkorissarfimmit aningaasanut inatsimmi aningaasaliissutigineqartut iluannit aningaasaliissutigineqartarput.

Imm. 2. Tapiiffigineqarnissamut piumasaqaatit makku naammassineqarsimassapput:

- 1) atuartoq aamma atuartumut angajoqqaatut oqartussaataasut efterskolimiinnerup aallartinnerani Kalaallit Nunaanni najugaqavissuussapput efterskolimiinnerullu aallartinnera sioqqullugu sivikinnerpaamik ukiumi ataatsimi Kalaallit Nunaanni najugaqavissuusimassallutik. Kalaallit Nunaata avataani najugaqarnertut naatsorsuuti-gineqanngillat najugaqarnerit kalaallit oqartussaannit peqataaffigineqarsimasut ilinniagaqarnermik imaluunniit paaqqinninnermik taamaallaat pissuteqartut,
 - 2) atuartoq efterskolimi atualernermini 18-inik ukioqalereersimassanngilaq,
 - 3) efterskolimi atualernissap aallartinnissaa sioqqullugu atuartup meeqqat atuarfiat imaluunniit tunngaviusumik atuarfimmumt assingusoq naammassereersimassavaa. Meeqqat atuarfiat pillugu inatsisartut peqqussutaanni nr. 1 6. juni 1997-imeersumi malittarisassat naapertorlugit meeqqat atuarfianni atuartut naammassinnissimasut efterskolimi atualernissaq sioqqullugu 11. klassi naammassereersimassavaat,
 - 4) atuartup efterskoli atualerfissaa Danmarkimi ilinniartitaanermut ministerimit akuerisaassaaq,
 - 5) atuartoq siusinnerusukkut Danmarkimi efterskolimiinnissamut Namminersornerullutik Oqartussanit tapiiffigineqarsimassanngilaq,
 - 6) § 2 naapertorlugu atuartoq efterskolimiinnermini angajoqqaatut oqartussaataasut toqqagaanik Danmarkimi ilaqutariinnut atassuteqassaaq,
 - 7) § 3 naapertorlugu atuartup efterskolimiinnermini pissarsiarisassaatut naatsorsuutigisat pillugit atuarfimmumt oqaaseqaateqartoqareersimassaaq, aamma
 - 8) § 8 naapertorlugu tapiiffigineqarnissamut qinnuteqaat piffissaq eqqorlugu tunniunne-qarsimassaaq.
- Imm. 3.* Oqaatsinik Pikkorissarfiup immikkut ittunik pissutissaqartillugu imm. 2, nr. 1, 2, 3, 5 aamma 8 saneqqussinnaavai.

Imm. 4. Efterskolimiinneq maannaannaq taamaatinneqarpat, imaluunniit atuartoq efterskolimiilernissap aallartinnerani takkutinngitsoorpat, tapiissuteqartarneq efterskolip taamaalisoqarneratigut

maleruagassatut aalajangersagai naapertorlugit unitsinneqassaaq.

Imm. 5. Ilinniartitaanermut Pisortaqarfik tapiissutit utertinneqarnissaannik piumasaqaateqar-sinnaavoq tapiissutit akuersissutigineqartunit siunertanut allanut atorneqarsimappata.

§ 2. Angajoqqaatut oqartussaaitaasut ilaqutariinnik atassuteqarfissanik toqqaasimanerat angajoqqaatut oqartussaaitaasut aamma ilaqutariinnik atassuteqarfigineqartussanit atsiorne-qartumik nalunaaruteqarnikkut uppersarsarneqarsimassaaq. Ilinniartitaanermut Pisortaqarfim-mit tamatumunnga atugassanngorlugu nalunaaruteqarnissamut immersugassiaq atorneqassaaq.

§ 3. Atuarfiup tapiissutininik qinnuteqaatinik naliliinissamut atugassatut qinnuteqaammut ilanngutissavai atuartup Danmarkimi efterskolimiinnerani pissarsiarisassanut naatsorsuu-tigisat pillugit oqaaseqaat. Oqaaseqaat pissutsinut makununnga isummiussanik imaqqassaaq:

- 1) Atuartoq efterskolimi atuartsinermut malinnaasinnaasutut naatsorsuunneqarneris.
- 2) Atuartoq efterskolimi ataatsimooqateqarsinnaasutut naatsorsuunneqarneris.
- 3) Atuartoq ilinnialernissamut piareersaataasumik ilinniartitaanermut imaluunniit piginnaanngortitsisumik ilinniartitaanermut tiguneqarsinnaanissamut qallunaatut pisinnaasami annertusarnissaanut pisariaqartitsineris.
- 4) Atuartoq efterskolimiinnerminik naammassinnissinnaasutut naatsorsuunneqarneris.
- 5) Atuartoq pillugu pissutsinik allanik peqarneris tapiissutininik akuersissuteqartariaqar-nermut tunngaviusinnaasunik.

Imm. 2. Ilinniartitaanermut Pisortaqarfiup immersugassiaa atorlugu oqaaseqaatiliortoqassaaq.

§ 4. Oqaatsinik Pikkorissarfiup qinnuteqaatinik tamarmiusunik ataatsimut naliliineq tun-ngavigalugu aalajangissavaa qinnuteqaatit sorliit akuerineqassanersut. Atuarfiup atuartup efterskolimiinnermini pissarsiariumaagai pillugit oqaaseqaataa kiisalu § 3 naapertorlugu naliliinermi Danmarkimi efterskolieriarnissamut qinnuteqartup tunngavilersuutai pingaartinne-qassapput. Aammattaaq toqqaanermi tapiissutitut aningaasaliissutit tamarmisut nunap immik-koortuinut agguataarneqarnerat eqqarsaatigineqassaaq.

Tapiissutit annertussui il.il.

§ 5. Efterskolimiinnermut atasumik aningaasartuutitut makkununnga tapiissuteqartoqarsinnaavoq:

- 1) Atuarnerup aallartilerneranut atuarunnaarnermullu atasumik Kalaallit Nunaata Danmarkillu akornanni siumut utimullu atuartup angalaneranut.
- 2) Atuartup angalaneranut atasumik unnuisariaqarneranut.
- 3) Atuartup angalanerani pisariaqartitsineq naapertorlugu nerisaqarneranut.
- 4) § 6 naapertorlugu atuartup efterskolimiinneranut.
- 5) Qanigisat napparsimarulunneqanngit qanigisanilluunniit toqusoqarneranut atasumik Kalaallit Nunaannut siumut utimullu atuartup angalaneranut.

Imm. 2. Imm. 1, nr. 5 naapertorlugu qanigisatut paasineqassapput qatanngutit, aaparisaq, qitornat, angajoqqaat aamma aanaa aataakkut. Immikkut ittumik pisoqartillugu Oqaatsinik Pikkorissarfik immikkut akuersissuteqarsinnaavoq.

Imm. 3. Atuartunut Danmarkimi efterskolimiittunut tamanut ilinniarnermi ilitsersuineris atasumik kiisalu atuartuninik tapiiffigineqarsimasunik aammalu Oqaatsinik Pikkorissarfimmit Danmarkimut angalanerininik aqqqissuunneqarsimasunik tikilluaqqusineris aningaasartuutit Ilinniartitaanermut

Pisortaqarfimmit akilerneqassapput.

Imm. 4. Efterskolip ammasarfata avataani angajoqqaarsianit atassuteqarfiusussatut nalunaarutigineqarsimasunit imaluunniit allanit angajoqqaatut oqartussatut taamatut piginnaatitsisunit paarineqarsinnaatinnagu tassanngaannartumik inissiigallartariaqarnermut aningaasartuutitik ilinniartitaanermut Pisortaqarfik akiliigallarsinnaavoq. Aningaasartuutit tamatuma kingorna angajoqqaatut oqartussanut akileqquneqassapput.

§ 6. § 5 imm. 1, nr. 4 naapertorlugu efterskolimiinnermut atuartumut ataatsimut tapiissutit angajoqqaat akiligassaar tamakkerlugit ilaannakorlugilluunniit matussuserarpaat. Tapiissutit annertussusissaat ilinniartitaanermut Pisortaqarfimmit aalajangersarneqassapput.

Imm. 2. Tapiissutit efterskolimut atuarfiusussamut akiliutigineqassapput.

Qinnuteqaat.

§ 7. Angajoqqaatut oqartussaataasut atuartup efterskolimut tiguneqarnissaanut nammin-neerlutik qinnuteqassapput.

Imm. 2. Tapiiffigineqarnissamik qinnuteqarnermi qinnuteqarfissiaq ilinniartitaanermut Pisortaqarfimmit suliarineqarsimasooq atorineqassaaq. Qinnuteqaatip ilaatigut imarissavaa atuartup Danmarkimi efterskolernissaanut tunngavilersuut.

Imm. 3. Qinnuteqarfissiaq kommunimi atuartup atuarfigisaani ilinniartitaanermut ingerlatsi-vimmit tunniunneqassaaq.

Imm. 4. Qinnuteqartup tapiiffigineqarnissamik qinnuteqaat, tassunga ilanngullugit atuartup efterskolimit ilinniartunngortussatut akuerisaaneranut efterskolip uppersaataa kiisalu ilaquo-tariit atassuteqarfiusussat nalunaaruteqarnerat atsiorneqarsimasooq atuartitaanermut ingerlatsi-vimmut nassutissavaa.

Imm. 5. Atuartitaanermut ingerlatsiviup tapiiffigineqarnissamik qinnuteqaat kiisalu imm. 4-mi ilanngussat taaneqartut assilineri, § 3 naapertorlugu atuarfiup atuartoq pillugu oqaaseqaataa aamma misilitsissimanermut imaluunniit karakterit kingulliit pillugit meeqqat atuarfiannit uppersaatait Oqaatsinik Pikkorissarfimmut nassutissavai.

Imm. 6. Atuartitaanermut ingerlatsiviup atuarfiup atuartoq pillugu oqaaseqaataa assilineri angajoqqaatut oqartussaataasunut nassutissavaa.

§ 8. Qinnuteqaat efterskolimiinnissap ukioq aallartiffissaa sioqqullugu kingusinnerpaamik 1. decemberimi atuartitaanermut ingerlatsivimmit tiguneqareersimassaaq.

Imm. 2. Qinnuteqaat ukiumi efterskolimiinnissap aallartiffissaani kingusinnerpaamik 1. januarimi Oqaatsinik Pikkorissarfimmit tiguneqareersimassaaq.

§ 9. Oqaatsinik Pikkorissarfiup tapiissutit akuersissutigineqarsimanersut pillugit ukiumi efterskolimiinnissap aallartiffissaani kingusinnerpaamik 1. martsimi qinnuteqartunut nalunaa-rutigissavai.

Imm. 2. Oqaatsinik Pikkorissarfiup tapiissutit tunniunneqartut pillugit efterskolimut nalunaa-ruteqassaaq.

Imm. 3. Oqaatsinik Pikkorissarfik atuartitaanermut ingerlatsivimmut qinnuteqaatinik oqar-tussanut nassiussumut tapiissutinik qinnuteqaatit pillugit aalajangikkanik nalunaaruteqas-saaq.

§ 10. Atuartup angalanissaata piareersarnissaaatuartitaanermut ingerlatsiviup isumagissa-vaa. Oqaatsinik Pikkorissarfik ilinniartut angalanissaannik aqqissuisuusimappat najukkami atuarfimmik ingerlatsivimmut billetsit kingusinnerpaamik 1. maj nassunneqassapput. Ilin-niartut taakku Danmarkimi tikilluaqquneqarnissaannik Oqaatsinik Pikkorissarfik ataqati-giissarisuussaaq.

Naammagittaalliorsinnaaneq

§ 11. Tapiissutit pillugit aalajangiinernut naammagittaalliuutit Ilinniartitaanermut Pisortaqarfimmut suliaakkiissutigineqassapput. Naammagittaalliuutit aalajangiinerup kingorna kingusinnerpaamik sapaatit akunneri sisamat qaangiutsinnagit Ilinniartitaanermut Pisortaqarfimmit tiguneqareersimassapput.

Imm. 2. Atuartut pillugit atuariit § 3 naapertorlugu oqaaseqaataat pillugit naammagittaalli-uutit Ilinniartitaanermut Pisortaqarfimmut suliaakkiissutigineqarsinnaanngillat.

Atulorfissaa, ikaarsaarneq atorunnaarsitsinerlu pillugit aalajangersakkat.

§ 12. Nalunaarut 1. februar 2004-mi atuutilerpoq, sunniuteqalissalluni ukiumi atuarfusumi 2004/2005-imi. Tamatuma peqatigisaanik Danmarkimi efterskolimiinermut tapissuteqartarneq pillugu Namminersornerullutik Oqartussat nalunaarutaat nr. 4, 21. februar 1997-imeersoq atorunnaarsinneqarpoq.

§ 13. Ukiumut atuarfusumut 2004/2005-imut § 8, imm. 1-imi piffissaliussaq tassaavoq 1. februar 2004, § 8, imm 2-mi piffissaliussaq tassaavoq 1. marts 2004, § 9, imm. 1-imi piffissaliussaq tassaavoq 1. maj 2004 aamma § 10-mi piffissaliussaq tassaalluni 15. maj 2004.

Namminersornerullutik Oqartussat, ulloq 16. januar 2004.

Henriette Rasmussen

/

Lise Lennert Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut